

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

PRAVILNIK O SLUŽBENIM ISKAZNICAMA I ZNAČKAMA SUDSKE POLICIJE BRČKO DISTRIKTA BIH

DIO PRVI - OPŠTE ODREDBE

Član 1 (Predmet)

Ovim pravilnikom propisuju se izgled legitimacije službenika Sudske policije Brčko distrikta BiH (u daljnjem tekstu: legitimacija) i značke službenika Sudske policije Brčko distrikta BiH (u daljnjem tekstu: značka), način izdavanja i oduzimanja, zamjene i vođenja evidencije o izdatim legitimacijama i značkama, kao i način nošenja legitimacije i značke.

Član 2 (Svrha izdavanja legitimacije i značke)

Legitimacija i značka izdaju se službenicima Sudske policije Brčko distrikta BiH (u daljnjem tekstu: službenik sudske policije) radi dokazivanja svojstva službenika sudske policije i obavljanja dužnosti i primjene ovlaštenja u skladu sa Zakonom o sudskoj policiji.

DIO DRUGI - SLUŽBENA LEGITIMACIJA

Član 3 (Izgled službene legitimacije)

(1) Legitimacija se izrađuje u polaroid tehnici kompjuterskog sistema ili drugoj odgovarajućoj tehnici, pravougaonog oblika, dimenzija 85x55 mm, u osnovi bijele boje.

(2) Prednja strana legitimacije je sljedećeg izgleda:

1. Na gornjoj lijevoj strani nalazi se značka dimenzija 22x22 mm;

2. Na gornjoj desnoj strani u prostoru dimenzija 45x15 mm u šest redova i tamnoplavim slovima ispisano je: „Bosna i Hercegovina; Босна и Херцеговина; Brčko distrikt Bosne i Hercegovine; Брчко дистрикт Босне и Херцеговине; SUDSKA – СУДСКА ПОЛИЦИЈА“;

3. Na sredini u prostoru dimenzija 55x8 mm u dva reda i tamnoplavim slovima ispisano je: „SLUŽBENA LEGITIMACIJA – ISKAZNICA – СЛУЖБЕНА ЛЕГИТИМАЦИЈА „;“;

4. Na donjoj lijevoj strani nalazi se fotografija nosioca legitimacije, dimenzija 22x27 mm;

5. Ispod elemenata iz tačke 2. ovog stava u označenom polju pravougaonih dimenzija 50x6 mm upisano je ime i prezime službenika sudske policije;

6. Ispod navedene alineje u označenom polju pravougaonih dimenzija 40x6 mm upisana je dužnost nosioca legitimacije;

7. Ispod navedene alineje u označenom polju pravougaonih dimenzija 15x8 mm upisan je broj legitimacije;

8. U donjem desnom uglu u ravnini broja legitimacije nalazi se polje pravougaonih dimenzija 25x8 mm, u kojem je upisano zvanje lica ovlaštenog za izdavanje legitimacije, koje se nakon potpisa ovjerava pečatom.

(3) Na poledini legitimacije na bosanskom, hrvatskom i srpskom jeziku, latinicom i ćirilicom, slovima plave boje, napisan je tekst:

„OVLAŠTENJA

Nosilac ove legitimacije je službenik Sudske policije Brčko distrikta Bosne i Hercegovine i ovlašten je da obavlja dužnosti i primjenjuje ovlaštenja u skladu sa Zakonom o sudskoj policiji.

OVLASTI

Nositelj ove iskaznice je službenik Sudbene policije Brčko distrikta Bosne i Hercegovine i ovlašten je obavljati dužnosti i primjenjivati ovlasti sukladno Zakonu o sudbenoj policiji.

ОВЛАШЋЕЊА

Носилац ове легитимације је службеник Судске полиције Брчко дистрикта Босне и Херцеговине и овлашћен је обављати дужности и примјењивати овлашћења у складу са Законом о судској полицији“.

DIO TREĆI - ZNAČKA

Član 4 (Izgled značke)

(1) Značka sudske policije izrađuje se od mesinga debljine 2mm, koji je zaštićen od promjena izazvanih uticajem atmosferskih prilika i to hemijskim putem (pasivizacija), a na poledini značke nalazi se pričvršćivač s vijkom.

(2) Značka sudske policije je osmougaoanog oblika, dimenzija 60x60 mm, na kome su simetrično raspoređene linije u obliku zraka, u čijem se središtu nalazi grb Bosne i Hercegovine u boji. Iznad grba stoji natpis: „SUDSKA POLICIJA“; СУДСКА ПОЛИЦИЈА, a tekst BRČKO DISTRIKTA BiH; БРЧКО ДИСТРИКТА БИХ, ispisan s lijeve i desne strane grba na polukružnoj površini, koja prati izvodnice štitastog oblika grba. Ispod grba nalazi se broj značke koji odgovara broju službene legitimacije.

DIO ČETVRTI - IZDAVANJE, ZAMJENA I VOĐENJE EVIDENCIJE

Član 5

(Nadležnost za izdavanje legitimacije i značke)

Legitimaciju i značku službenicima sudske policije izdaje predsjednik Pravosudne komisije Brčko distrikta BiH.

Član 6

(Broj legitimacije i značke)

Službeniku sudske policije Brčko distrikta BiH izdaju se legitimacija i značka istog broja.

Član 7

(Evidencija o legitimacijama i značkama)

O izdatim legitimacijama i značkama vodi se evidencija koja sadrži:

- ime i prezime službenika sudske policije;
- broj legitimacije i značke;
- radno mjesto – dužnost službenika sudske policije;
- datum i godina izdavanja;
- rubrika za napomene.

Član 8

(Nadležnost za vođenje evidencije)

Evidenciju iz člana 7. ovog pravilnika vodi komandir Sudske policije Brčko distrikta BiH.

Član 9

(Gubitak legitimacije i značke)

U slučaju gubitka legitimacije ili značke ili ako na drugi način ostane bez njih, službenik sudske policije dužan je najkasnije u roku od tri dana obavijestiti komandira Sudske policije Brčko distrikta BiH.

Član 10
(Izdavanje nove legitimacije ili značke)

Komandir Sudske policije Brčko distrikta BiH će po prijemu obavještenja preduzeti radnje da se izgubljena ili nestala legitimacija ili značka proglasi nevažećom, a nakon toga istom službeniku u skladu s procedurom propisanom ovim pravilnikom izdati novu legitimaciju ili značku.

Član 11
(Oduzimanje legitimacije i značke)

(1) Službenik sudske policije kojem prestane radni odnos u Sudskoj policiji Brčko distrikta Bosne i Hercegovine ili se privremeno udalji iz službe ili s radnog mjesta (suspendira) obavezan je odmah legitimaciju i značku predati komandiru Sudske policije Brčko distrikta BiH.

(2) Komandir legitimaciju i značku za službenika sudske policije kojem je prestao radni odnos u sudskoj policiji u razumnom roku ima razdužiti, a legitimaciju i značku službenika sudske policije koji su privremeno udaljeni iz službe ili s radnog mjesta deponira i čuva do donošenja odgovarajuće odluke o radnopravnom statusu službenika sudske policije.

Član 12
(Oštećenje legitimacije i značke)

(1) U slučaju oštećenja legitimacije ili značke ili promjene podataka u legitimaciji, službenik sudske policije će komandiru Sudske policije Brčko distrikta BiH dostaviti zahtjev za njenu zamjenu, u kojem će se navesti razlog dostavljanja predmetnog zahtjeva, kao i dostaviti eventualni dokazi o promjeni podataka.

(2) Nakon izrade i zaduženja službenika sudske policije novom legitimacijom ili značkom, službenik sudske policije obavezan je raniju legitimaciju ili značku dostaviti komandiru Sudske policije Brčko distrikta BiH, koji će jednom godišnje organizirati uništavanje neupotrebljivih legitimacija i znački.

(3) Uništavanje neupotrebljivih legitimacija i znački provodi komisija koju posebnim rješenjem imenuje predsjednik Pravosudne komisije Brčko distrikta BiH.

Član 13
(Način nošenja legitimacije i značke)

(1) Službenik sudske policije legitimaciju i značku nosi u svim slučajevima kada je na službi i kada nosi službeno oružje.

(2) Službenik sudske policije prilikom nošenja uniforme značku nosi na prednjoj gornjoj lijevoj strani jakne i košulje.

(3) Izuzetno, na dijelovima uniforme iz prethodnog stava, može se nositi i značka sudske policije koja je vezena ili urađena u termoštampi i bez broja.

(4) U slučajevima iz prethodnog stava i u slučajevima kada službenik sudske policije poslove obavlja u civilnom odijelu, legitimaciju i značku nosi u namjenskom novčaniku (etui) izrađenom od kože.

DIO PETI – PRELAZNE I ZAVRŠNE ODREDBE

Član 14

(Obrazac izgleda legitimacije i značke)

Obrazac legitimacije i izgled značke odštampani su uz ovaj pravilnik i njegov su sastavni dio (obrazac 1. legitimacija službenika sudske policije, obrazac 2. značka sudske policije).

Član 15

(Rok za izradu legitimacija)

Izrada legitimacija bit će izvršena u roku od 60 dana od dana stupanja na snagu ovog pravilnika.

Član 16

(Stupanje na snagu)

Ovaj pravilnik stupa na snagu danom donošenja i bit će objavljen u „Službenom glasniku Brčko distrikta BiH“.

Broj: SuPK-03-___/21

Datum: _____ 2021. godine

PREDSJEDNIK
PRAVOSUDNE KOMISIJE

Safet Pizović

OBRAZAC 1 – IZGLED LEGITIMACIJE SLUŽBENIKA SUDSKE POLICIJE

	Bosna i Hercegovina Босна и Херцеговина Brčko distrikt Bosne i Hercegovine Брчко дистрикт Босне и Херцеговине SUDSKA – SUDBENA POLICIJA СУДСКА ПОЛИЦИЈА
	SLUŽBENA LEGITIMACIJA - ISKAZNICA СЛУЖБЕНА ЛЕГИТИМАЦИЈА
	Ime i prezime/Име и презиме
	Dužnost/Дужност
	Broj/Број
	Predsjednik Pravosudne komisije

OVLAŠTENJA Nosilac ove legitimacije je službenik Sudske policije Brčko distrikta Bosne i Hercegovine i ovlašten je da obavlja dužnosti i primjenjuje ovlaštenja u skladu sa Zakonom o sudskoj policiji. OVLASTI Nositelj ove iskaznice je službenik Sudbene policije Brčko distrikta Bosne i Hercegovine i ovlašten je obavljati dužnosti i primjenjivati ovlasti sukladno Zakonu o sudbenoj policiji. OVLASHĆENJA Носилац ове легитимације је службеник Судске полиције Брчко дистрикта Босне и Херцеговине и овлашћен је обављати дужности и примјењивати овлашћења у складу са Законом о судској полицији“.

OBRAZAC 2 – IZGLED ZNAČKE SUDSKE POLICIJE

